

## زجل رائع بعنوان: "قصة الألبوم"



الخميس 23 أكتوبر 2014 12:10 م

اسمع مني فكرة حركة .. حكايتها محتاجة كلام  
وهقولها لك ركز فيها .. واوعى تسلم للإعلام  
مهما يحاولوا يشوهوا فينا .. صوت الحق في يوم هيبان

أصل الفكرة إن ف يوم .. قررنا من الذل نقوم  
قامت الثورة وقمنا ولكن .. طلعت صورة في الألبوم  
والألبوم ده قصة كبيرة .. فيها المخفي والمعلوم

" سايكس بيكو" ده العنوان .. يحكي نكسة أمة زمان  
جه المحتل وقسم فيها .. حبر يقطع في الأوطان  
حط قواعد حكمه وخلقى .. حكمه فوق حكم القرآن

سحب الغرب جيوشه أكيد .. خلقى جيوشنا هي الإيد  
تحمي مصالح غير مصالحنا .. تكتم صوت الناس بحديد  
علشان يرضى الغرب عليهم .. يفضل يحكم واحنا عبيد

والتجنيد إجباري عليك .. تحمي نظام يدبح بإيديك  
اقتل واضرب واضلم واسجن .. مين في الآخرة راح يحميك  
اوعي تقولي عذري أوامر .. عذرك باطل ما ينجيك

رسموا مسار خداع بايديهم .. وقالولنا التغيير جواه  
وادخل حط فندوق صوتك .. والصناديق يحرسها طغاه  
حكم الشعب ده خدعة قديمة .. بعد ما خانوا حكم الله

حق الفقرا بقى كلمات .. رنانة جوة الخطابات  
رأسمالية عالم طاغي .. تنهش حقه في الثروات  
دايرة ومقفولة حوالياهم .. خارج الدائرة يسبوا قُتات

قالوا سياسة ومن غير دين .. مدنيتهم زي الطين  
غيرهم خلقى الدين شعارات .. لاجل الكرسي يبقى اتنين  
ديني قضية هتفضل حية .. وكل القصة هتفضل دين

وهي دي قصة الألبوم .. امتى الشمس تشق غيوم  
انشر وعي القصة بصوتك .. حتى لو هتموت معدوم  
برة مسارهم ارسم حلمك .. اوعى تسلم ليهم يوم